

宋槧太平御覽



13
403
29



太平御覽卷第一百六十八

州郡部十四

山南道下

梁 通 渠 洋

通 渠 洋

唐 渠 洋

鄧 渠 洋

梁州

金

房

均

隨



新念圖書
此係八年明治
卅八年八月
月廿八日
卅八年八月
卅八年八月
卅八年八月

圖經曰梁州漢中郡春秋至戰國時楚地秦漢為漢中郡

蜀志曰劉備初得漢中曰曹公雖來無能為也
漢書曰項羽立沛公為漢王王巴蜀漢中四十一縣都南
鄭沛公欲攻楚丞相蕭何諫曰雖王漢中之惡不猶愈於
死乎且語曰天漢其稱甚美願王漢中鎮撫其民收用巴

漢書曰成固屬漢中郡今洋源縣地是也
又曰安陽屬漢中鬻谷水所出今黃金縣地

商州

十道志曰商州上洛郡禹貢梁州之域周為豫州之境戰國時屬秦秦併天下為內史地漢武置上雒縣於此史記張儀說楚懷王曰大王誠能絕約於齊臣請獻商於之地六百里楚於是與齊絕約使一將軍隨張儀至秦儀謂楚使者曰臣有奉邑六里願以獻大王左右楚使者曰臣受命於王以商於之地六百里不聞六里

皇甫謐帝王世紀曰四皓始皇時隱於商山作歌曰莫莫高山深谷逶迤擘擘紫芝可以療飢唐虞時遠吾將何歸漢志曰商屬弘農郡秦相衛鞅邑也

金州

十道志曰金州安康郡禹貢梁州之域於周庸國之地楚之附庸後為楚地秦為漢中郡帝王世紀曰安康謂之姚墟或謂之姚墟後漢書鄭弘上書曰虞舜出於姚墟夏禹生於石紐穎容釋例曰舜居西域本日媯汭漢書曰西域屬漢中郡應劭曰媯墟在西北舜之所居即今西城縣

房州

十道志曰房州房陵郡土地所屬與金州同古麋國也

左傳曰楚子伐麋成大心敗麋師于防渚杜注防渚在麋地關駟云防陵即春秋防渚也

漢志曰防陵上庸屬漢中郡

盛弘之荊州記曰竹山縣有白馬塞孟達為新城太守登白馬而歎曰劉封申耽據金城千里而不能守豈丈夫哉

通州

十道志曰通州通川郡土地所屬與金州同春秋戰國並屬巴子國秦併天下為巴漢郡漢因之

後漢志曰宜漢屬巴郡即漢宕渠地也

巴漢記曰和帝分宕渠之東置也

圖經曰西魏改為通州以其居西達之路故以為名今為達州

渠州

十道志曰渠州潯山郡土地所屬與通州同漢志曰宕渠

屬巴郡

輿地志曰梁大通三年於此置渠州

左思蜀都賦曰外負銅梁宕渠

十道志曰渝州南平郡古巴國也

三巴記曰閬白二水東西流曲折三廻如巴字故謂之三

巴

山海經曰海內西南有巴國昔太皞生成鳥咸鳥生乘釐

乘釐生後昭是為巴人郭璞曰為巴始祖

李膺益州記曰明月峽在巴縣東壁高四十丈有圓孔形

如滿月因以為名

又曰江津縣西有香草樓昔有仙人於此置樓居植香草

於樓下一夕仙去後人指其地為香草樓

十道志曰涪州涪陵郡禹貢梁州之域周為雍州之地春秋時屬巴國秦為巴郡漢為涪陵縣巴漢志曰涪陵巴郡之南鄙本與楚商於之地接

涪州

十道志曰朗州武陵郡禹貢荊州之域春秋及戰國時屬楚秦為黔中郡漢高祖五年更名武陵郡梁湘東王於荊州割武陵郡置武州陳天嘉元年分武陵立沅陵郡隋文改武州為辰州又改為嵩州又改為朗州

史記曰秦惠王十四年求以武關外就楚易黔中地。武陵記曰後漢梁松自義陵移郡於若城今州東有張若城是

晉書曰潘京武陵漢壽人也弱冠郡辟主簿太守趙廞甚

器之嘗問之曰貴郡何以名武陵京曰鄙郡本名義陵在辰陽縣界與夷獠相接數為所攻光武時移東山遂得全完共議易號傳曰止戈為武詩稱高平曰陵於是名焉武陵記武陵郡境四千餘里

澧州

十道志曰澧州澧陽郡春秋戰國時其地屬楚秦屬黔中郡漢改黔中為武陵郡屬荊州今州即武陵郡之零陽縣地吳分武陵西界立天門郡此即郡之境晉為南義陽郡隋平陳置松州尋改為州在澧水之北故取為名

尚書禹貢曰岷山導江東別為沱又東至于澧

澧水名

輿地志曰晉末以義陽流人在南郡者立為南義陽郡寄在荊州

十道志曰慈利縣即漢零陽縣地

圖經曰界內有零溪水即以為名隋開皇十八年改零陽為慈利縣

王仲宣贈士孫文始詩曰悠悠澹澹澹澹二水在陽澹縣

巴州

十道志曰巴州土地所屬與通州同漢為漢郡宕渠縣四夷縣道記曰李特孫壽時有群獠十餘萬從南越入蜀漢間散居山谷因斯流布在此地後遂為獠所據

壁州

十道志曰壁州始寧郡本漢宕渠縣地後漢分置宣漢縣梁分宣漢置始寧後魏分始寧置諾水縣

蓬州

十道志曰蓬州咸安郡本漢宕渠縣地

周地圖記曰武帝天和四年割巴州之伏虞郡隆州之隆

城郡於此置蓬州

集州

十道志曰集州符陽郡本漢宕渠縣地晉惠帝永寧中李特王蜀其地屬焉梁武改為東巴州後改為集州以東北有集水因以為名又云以萬山所集故也

唐州

十道志曰唐州淮安縣禹貢豫州之域春秋楚地戰國時屬晉後入韓秦置三十六郡為南陽郡

漢志曰南陽郡有北陽縣比水所出東入蔡

左傳僖四年齊師伐楚楚子使屈完如師齊侯陳諸侯之師與屈完乘而觀之齊侯曰以此眾戰誰能御之以此攻城何城不克對曰君若以德綏諸侯誰敢不服君若以力楚國方城以為城漢水以為池雖君之眾無所用之

晉太康地記曰自華至泚陽南北達百里號為方城亦曰長城

周地圖記曰湖陽縣光武所封外祖樊重邑又光武封姊為湖陽公主漢志曰湖陽古瘞國也瘞音力救反

鄧州

十道志曰鄧州南陽縣禹貢豫州之域戰國屬韓秦置三十六郡南陽其一也

釋名曰在中國之南而居陽地故以為名

漢志曰南陽郡領宛犍等三十六縣秦置莽曰荷墜屬荊州

又曰鄧屬南陽故國都尉治應劭曰鄧侯國也

史記蘇秦說韓惠王曰韓西有宜陽東有穰洧

後漢書曰時天下墾田多不以實詔下郡國檢覆其事時

諸郡各遣使奏事帝見陳留吏牘上有書視之云潁川弘農可問河南南陽不可問帝詰吏不肯服時顯宗為東海公言曰河南帝城多近臣南陽帝鄉多近親田宅踰制不可為準

史記曰秦滅韓徙天下不軌之人於南陽故其俗夸奢尚氣力好商賈漁獵藏匿難制宛西通武關東受海一都會也

圖經曰菊潭以界內潭水以名縣。盛弘之荊州記曰菊水其源傍有芳菊浸潤流其滋液水極芳馨飲之者皆壽考

後魏略曰孝文帝南巡至新野臨潭水而見菖蒲花乃歌曰兩菖蒲新野樂遂建兩菖蒲寺以美之

楚地記曰漢江之北為南陽漢江之南為南郡

襄州

十道志曰襄州襄陽郡禹貢豫州之南境春秋以來楚地秦南郡之北界二漢為南陽郡獻帝時魏武始置襄陽郡襄陽記曰襄陽本楚之下邑檀溪帶其西峴山亘其南亦楚國之北津也

荆州圖副曰建安十三年魏武平荆州始置襄陽郡以地在襄山之陽為名

楚地記曰蜀關羽攻沒于禁等七軍兵勢甚盛獨襄陽徐晃屯守不下曹公謂晃曰全襄陽者徐公之功也後吳大帝率兵向西時曹仁鎮之司馬宣王言於魏文曰襄陽水陸之衝禦寇要地不可失也

南雍州記曰永嘉之亂三輔豪族流於樊沔僑於漢側立雍州因人所思以安百姓也宋文帝因之置南雍州焉

晉書曰山簡字季倫嘗鎮襄陽郡中有高陽池每臨池未嘗不大醉而還人歌之曰山公何所詣往至高陽池日暮倒載歸酪酌無所知時時能騎馬倒著白接離舉鞭問葛強何如并州兒○盛弘之荆州記曰襄陽郡峴首山南至宜城百餘里其間彫牆峻宇閭閻墀列漢宣帝末其中有卿士刺史二千石數十家珠軒駢輝華蓋連延掩映於太山廟下荆州刺史行部見之雅歎其盛勅號太上廟道為冠蓋里

漢志曰筑陽屬南陽郡故穀國今穀城縣也莽曰宜禾應劭曰筑水出漢中房陵東入沔筑音逐

均州

十道志曰均州武當郡禹貢豫州之域春秋時楚地秦置

南陽郡

漢志曰武當屬南陽郡

十道志曰鄖鄉古麇國也左傳曰楚潘崇伐麇至于錫穴又地形志曰漢中郡之東界有錫縣即古之錫穴也

隨州

十道志曰隨州漢東郡春秋隨侯之國秦及兩漢屬南陽郡

左傳曰楚武王侵隨鬬伯比言於楚子曰漢東之國隨為大

漢志曰隨屬南陽郡故厲國也左氏傳曰楚伐徐齊師伐厲以救之厲音賴

又曰春陵屬南陽郡侯國故蔡陽之白水鄉上唐鄉漢武帝元朔五年以零陵泠道之春陵鄉封長沙王子買為春

陵侯後以春陵下濕上書徙南陽今棗陽縣有春陵故城

太平御覽卷第一百六十八

太平御覽卷第一百六十八

[Faint bleed-through text from the reverse side of the page]

太平御覽卷第一百六十九

州郡部十五

淮南道

揚

楚

濠

壽

滁

和

廬

舒

蘄

申

光

安

黃

沔

揚州

元和郡縣圖志曰揚州廣陵郡禹貢九州揚州其一也春秋時屬吳七國屬楚秦滅楚為廣陵後併天下屬九江郡漢為江都國建武元年復曰揚州魏志曰黃初六年征吳幸廣陵城臨江觀兵見江壽歎曰天所以限南北也

隋書曰大業元年詔修江都宮治龍舟鳳舸黃龍赤艦樓船萬艘以幸江都為錦帆黼帳作泛龍舟春江花月夜等曲以幸之因而都焉

宋書曰徐湛之為揚州起風亭月觀吹臺琴室以為遊宴焉
又曰揚州刺史王謐薨高祖次應人輔劉毅等不欲帝入議以中領軍謝混為州或欲令帝於丹徒領州以二議詔帝劉穆之謂帝曰揚州根本所係不可假人前授王謐事出權道今若復他授便應受制於人一失於權無由可得帝從之

郡國志曰廣陵以城置在陵上爾雅云大阜曰陵連接西蜀一名阜崗一名崑崙崗鮑昭蕪城賦曰抱以漕渠軸以崑崙

河圖括地象曰崑崙山橫為地軸此陵交帶崑崙故曰廣陵也

漢志曰廣陵國高帝六年置景帝四年更名江都莽曰江平江都易王非廣陵厲王胥皆都此

漢書曰廣陵厲王賜策曰嗚呼小子胥受茲赤社建爾國家封于南土古人有言曰大江之南五湖之間其人輕心揚州保強也保恃三代要服不及以正要服次荒服之內正政也要一遙反

圖經曰江陽縣本漢江都縣也以在江之北故曰江陽漢志曰江都屬廣陵國

又曰海陵縣臨淮郡莽曰亭閒
十道志曰六合縣本秦棠邑縣春秋時棠也左傳襄十四年楚子為庸浦之役故子囊帥師于棠庸浦棠皆楚邑

楚州

元和郡縣志曰楚州淮陰郡禹貢揚州之域春秋時屬吳越戰國時屬楚秦屬九江郡漢為射陽縣之地

漢志曰射陽縣屬臨淮郡莽曰監淮亭在射水之陽故曰射陽

又曰廣陵王胥有罪其相勝之奏奪王射陂張晏曰射水之陂在射陽縣

晉書曰穆帝時中郎將荀羨北討云舊淮陰地形都要水陸交通易以觀疊沃野有開殖之利方舟運漕無他長阻乃營立城池焉

郡國志曰北對清泗臨淮守險有平陽石龜田稻豐饒吳越春秋曰吳將伐齊自廣陵掘溝通江淮即州地

史記曰越滅吳而不能正江淮楚乃東侵廣地于泗上漢志曰盱眙屬臨淮郡都尉治莽曰武庄

南兖州記曰盱眙本春秋時善道也

漢書曰項羽立楚懷王孫心為楚懷王都盱眙

南兖州記曰南兖州地有監亭百二十三所縣人以漁鹽為業略不耕種檀利巨海用致饒沃公私商運充實四遠舳艫千計吳王所以富國強兵而抗漢室也

圖經曰寶應縣本安宜縣即漢之平安縣地屬廣陵郡唐書曰天寶初有李氏女子既嫁而寡為尼名真如忽有人自天而下以寶與之因名寶應

濠州

十道志曰濠州鍾離郡禹貢揚州之域春秋時為鍾離子國戰國時屬吳秦置三十六郡屬九江郡漢置鍾離○春秋成十五年曰叔孫僑如會吳于鍾離始通吳也始與中國接又昭二十四年曰楚子為舟師以略吳疆遂滅巢及鍾離

史記曰楚平王十年吳之邊邑卑梁女與楚邊邑鍾離小童爭桑兩家交怒相攻楚伐卑梁人卑梁大夫怒發兵攻鍾離楚王聞之大怒吳亦發兵使公子光攻楚遂滅鍾離莊子曰莊子與惠子遊於濠梁水上見儵魚出遊從容莊子曰是魚樂乎惠子曰子非魚安知魚之樂耶莊子曰子非我安知我不知魚之樂也

史記曰昔禹會諸侯於塗山執玉帛者萬國

十道志曰塗山在臨淮郡西

又曰招義縣本漢淮陵縣

漢志曰淮陵縣屬臨淮郡莽曰淮陸

壽州

元和郡縣志曰壽州壽春郡禹貢揚州之城秦併天下為九江郡漢為淮南國

伏滔正淮論曰爰自戰國至于晉之中興六百餘年保淮南者九姓稱兵有十一人皆亡不旋踵禍溢於世彼壽春者南引荆海之利東連三吳之富北接梁宋平途不過七百里西援陳許水陸不出千里外有江湖之阻內保淮澗之固龍泉之陂良田萬頃舒六之貢利盡蠻越金石皮革之具萃焉苞木管竹之族生焉其俗尚氣力而多勇悍其人習戰爭而貴詐僞所以屢多亡國也
史記曰楚考烈王自陳徙都壽春號之曰郢又項羽本紀曰羽封英布為九江王都六盡有江淮之地
漢志曰六故國也屬六安國咎繇後為楚所滅如谿水首受泚東北至壽春入芍陂泚音七 芍音七
左傳文五年曰楚成大心帥師滅六仲歸冬楚公子
變滅蓼豐今安縣滅文仲間六與蓼滅曰臯陶庭堅不祀忽

諸德之不見民之無援哀哉

漢志曰壽春合肥受南北湖皮革鮑木之輸亦一都會也

鮑魚也木謂楓柁之屬

壽春記曰三國時江淮為戰爭之地其間數百里無復人居晉平吳其民乃還本土復立為淮南郡

齊書曰高祖初遣垣崇祖鎮壽陽謂之曰我新有天下魏必送劉昶為辭壽春賊之所衝深為之備既而果然乃敗還

十道志曰霍丘縣本漢松滋縣也

漢志曰松滋侯國屬廬江郡莽曰誦善

十道志曰霍山縣濳縣也

漢志曰濳縣屬廬江郡天柱山在南

史記曰吳王闔閭四年伐楚取濳

滁州

元和郡縣志曰滁州永陽郡春秋時楚地在漢為全椒縣也。漢志曰全椒縣屬九江郡

十道志曰隋以為滁州以滁水為名

郡國志曰後漢彭城劉平為全椒令虎皆渡江

和州

元和郡縣志曰和州歷陽郡禹貢揚州之域春秋及戰國時為楚地秦為歷陽縣屬九江郡漢為淮南國

郡國志曰歷陽西有遏胡城即王導築以禦石虎

漢志曰歷陽都尉治屬九江郡莽曰明義

十道志曰南有歷水故曰歷陽

淮南子曰歷陽之都一夕為湖漢明帝時歷陽淪為麻湖

十道志曰麻湖在縣西十里

漢書曰漢軍追項羽至江東城烏江亭長艤舟待之

廬州

元和郡縣志曰廬江郡古廬子國也春秋舒國之地
十道志曰戰國時其地屬楚秦置三十六郡屬九江郡漢
為合肥縣

左傳魯僖公十四年曰徐人取舒杜預注云舒國今廬江
舒縣也

尚書仲虺曰成湯放桀于南巢

魏志曰青龍元年滿寵為揚州都督請於合肥城西三十
里置新城表曰合肥城南臨江湖北達壽春賊攻圍之得
據水為勢官兵救之當先破賊大軍然後圍乃得解賊往
甚易兵救甚難今城西三十里有奇險可依立城固守此
所謂引賊平地而掎其歸路也詔從之

廬江記曰人物語音風土明茂皆勝淮北諸郡

漢志曰廬江郡故淮南文帝十六年別為國領縣十二

又曰龍舒屬廬江郡應劭曰郡舒邑也

又曰居巢屬廬江郡應劭曰春秋楚人圍巢巢國也

左傳昭二十五年曰楚子使熊相謀郭巢為巢郭也

郡國志曰濡須水出自巢湖謂之馬尾溝

十道志曰慎縣本漢浚遼縣

漢志曰浚遼屬九江郡浚音峻遼音才由反

舒州

釋例曰舒有五名舒庸舒龍舒□舒鳩舒城其實一也

左傳定二年曰吳子使舒鳩民誘楚人

元和郡縣志曰舒州桐安郡禹貢揚州之域春秋時皖國
也

十道志曰春秋時為楚東鄙戰國時屬楚秦置三十六郡為江夏郡

史記曰皖偃姓晷繇之後也春秋時楚滅之

漢志曰皖屬廬江郡

續漢書郡國志曰廬江郡自舒縣徙居皖

魏志曰正始二年孫權遣諸葛恪屯皖城以伺邊隙

吳志曰曹公遣朱光為廬江太守屯皖大開稻田呂蒙上

言曰皖地肥美若一收熟彼眾必增加是數歲操態見矣宜早除之於是親征皖破之

宋書州郡志曰晉安帝於舊皖城置懷寧縣

圖經曰桐城春秋時桐國也亦漢樅陽縣也

左傳曰定二年曰桐叛楚

桐小國也廬江舒縣有桐鄉

漢書武帝紀曰元封五年南巡狩自尋陽浮江射蛟江中

獲之舳艫于里薄樅陽而出作盛唐樅陽之歌

蘄州

十道志曰蘄州蘄陽郡禹貢揚州之域春秋及戰國時並

屬楚秦置三十六郡屬九江郡漢蘄春縣之地

漢志曰蘄春屬江夏郡

史記曰始皇十六年滅楚虜王負芻於蘄

地名記曰蘄春以水隈多蘄菜因以為名

晉書曰武帝以宣太后諱春改為蘄陽

吳志曰魏使廬江謝寄為蘄春郡典農呂蒙襲破之

又賀齊傳曰初晉宗為滄口將以眾叛如魏還為蘄春太

守圖襲樂安取保質權以為耻因軍初罷六月盛夏出其

不意詔齊督麋芳鮮于丹等襲蘄春生虜宗吳復置蘄春

郡

申州

十道志曰申州義陽郡禹貢荊州之域春秋時申國之地秦為南陽郡地漢置平氏縣屬荊州漢武封北地尉衛止為義陽侯魏文帝分南陽立義陽郡宋文元嘉末於義陽立司州周武帝為申州

輿地志曰義陽有三關之險○十道志曰三關謂平靖關長老云此關因山為障不營壕隍故名平靖其一也武陽黃峴二關在安州應山縣界

光州

十道志曰光州弋陽郡禹貢揚州之域春秋時弦子國秦置二十六郡屬九江郡漢為西陽縣

左傳僖五年曰楚人滅弦弦在弋陽縣弦子奔黃

漢志曰西陽屬江夏郡

又曰鞞屬江夏故弦子國音汝又徒系反

圖經曰定城縣春秋黃子國也

十三州志曰定城置在古黃子國南十二里

十道志曰定城本漢弋陽縣

漢志曰弋陽侯國屬汝南郡在弋山西北故黃國今黃城是也

十道志曰固始縣本寢丘孫叔敖所封之邑也

又曰躬城縣本漢期思縣也

漢志曰期思屬汝南郡故蔣國也

左氏傳曰凡蔣周公之裔也

安州

十道志曰安州安陸郡春秋邾子之國雲夢之澤在焉後楚滅邾封鬬辛為郢公則其地也戰國時屬楚秦併天下

為南郡城漢為安陸縣宋武置安陸郡唐武德四年為安

黃州

十道志曰黃州齊安郡禹貢荊州之域戰國時屬楚秦為南郡地漢為西陵縣高齊置衡州隋開皇三年為黃州又曰麻城黃陂縣本漢西陵縣也

沔州

十道志曰沔州漢陽郡禹貢荊州之域春秋鄖國之地戰國時屬楚秦併天下為南郡地漢為安陸縣地晉立沔陽縣屬江夏郡沔音篆唐武德四年置沔州

尚書禹貢曰逾于沔漢上曰沔

三國志曰魏初定荊州沔陽以為重鎮

晉書曰永嘉六年王敦表陶侃為荊州刺史鎮沔陽

宋書州郡志曰晉於臨嶂山沌置陽縣

荊州記曰臨嶂山南峯謂之烏林峯亦謂之赤壁

吳志曰曹公臨荊州孫權遣周瑜程普為左右督領萬人

與劉備俱進退保赤壁

永初山川記曰沔口古以為滄浪水屈原遇漁父處

太平御覽卷第一百六十九

太平御覽卷第一百六十八

太平御覽卷第一百六十八
漢書地理志曰丹陽郡丹陽山
丹陽山在丹徒縣南丹徒山在丹徒縣東
丹徒山在丹徒縣南丹徒山在丹徒縣東
丹徒山在丹徒縣南丹徒山在丹徒縣東
丹徒山在丹徒縣南丹徒山在丹徒縣東
丹徒山在丹徒縣南丹徒山在丹徒縣東
丹徒山在丹徒縣南丹徒山在丹徒縣東
丹徒山在丹徒縣南丹徒山在丹徒縣東
丹徒山在丹徒縣南丹徒山在丹徒縣東

太平御覽卷第一百七十

圖州郡部十六

江南道上

昇東

蘇金

刺六

面立

帝自

將刻

圖經曰昇州古揚州之地也春秋時為吳地戰國時越滅吳為越地後楚滅越其地又屬楚初置金陵邑秦併天下改金陵為秣陵屬鄣郡漢元封二年改鄣郡為丹陽郡漢志曰故鄣屬丹陽郡王莽曰侯望

金陵圖云昔楚威王見此地有王氣因埋金以鎮之故曰金陵秦併天下望氣者言江東有天子氣鑿地斷連岡因改金陵為秣陵其地又屬於秣陵置金陵邑秦將入吳志曰孫權欲興都未定長史張紘勸都之後劉備宿於秣陵亦勸權都之遂定議都秣陵○建康圖曰西晉亂元帝自黃陵渡江此城荒落以府第居縣北幕府之名自此而立尋以江寧為琅耶國蓋襲帝始封之名也歷宋齊梁陳六代皆都之

輿地志曰金陵有東府城晉安帝時築其城西本簡文為會稽第其東則丞相會稽王道子府謝安石薨以道子代領揚州州在東故時人號為東府西州
圖經曰金陵有古冶城本吳鑄冶之地也
晉書曰元帝太興初以王導疾久方士戴洋曰君本命在

申申地有冶金火相爍遂移冶於石城

宣州

十道志曰宣州宣城郡禹貢揚州之域春秋時屬吳後屬越越為楚所併戰國時又屬楚秦為鄣郡地漢為丹陽郡地理志曰武帝元狩元年改鄣郡為丹陽郡屬揚州理宛城即今郡是也吳書曰孫皓以牛渚為督以何植為使而禦晉軍當塗有牛渚山
相玄傳曰玄居南州大築齋第以郡在國南故曰南州
齊州郡志曰梁承聖元年置南豫州
十道志曰隋開皇中改南豫州為宣州
漢志曰涇縣屬丹陽郡韋昭曰涇水出蕪湖
圖經曰南陵縣有赭圻屯在縣西北
晉書曰哀帝以相溫入參朝政自荊州還至赭圻詔止之

遂城赭圻鎮

十道志曰南陵有鵲洲

春秋左氏傳曰昭五年楚以諸侯伐吳吳敗之於鵲岸

吳地也盧江舒縣有鵲尾渚是

漢志曰溧陽縣屬丹陽郡溧水所出也

又曰當塗縣侯國屬九江郡莽曰山聚應劭曰禹娶塗山有禹墟焉

春秋左氏傳曰禹會諸侯於塗山

晉書州郡志曰西晉愍懷之亂琅邪王出鎮揚州因渡江南卜金陵建大業衣冠禮樂州郡邑名並隨渡江從北地當塗來江南自東晉始也

金陵記曰姑熟之南淮曲之陽置南豫州六代英雄迭居於此以斯地為上游焉

王莽封池州

圖經曰池州池陽郡禹貢揚州之域春秋及秦漢為鄣郡之地吳為石城縣隋為秋浦縣唐武德中置池洲

三國志曰吳黃武三年封韓當為石城侯

輿地志曰梁昭明太子以其水出魚美故名其水為貴池又曰梁大同二年置石埭因貴池源有兩小石埭堰溪水遂以為名

潤州

十道志曰潤州丹陽郡禹貢揚州之域春秋時吳國地謂之朱方吳為越所併地屬越戰國時越為楚所滅復屬楚秦併天下為會稽鄣二郡之地漢初為荊國故荆王劉賈所都之地吳王濞誅以其地併入江都國武帝又分屬丹陽會稽二郡之地

左氏傳曰襄王二十八年齊慶封奔吳吳句餘予之朱方
後漢書曰建安中吳大帝自吳徙都於京十六年遷都秣
陵復於京口置京督以鎮焉
吳志曰京督所統蕃衛尤要是以吳為重鎮
圖經曰其城因山為壘綠江為境爾雅曰丘絕高曰京因
謂之京口

吳錄地理曰秦時望氣者云其地有天子氣始皇使赭衣
徙二千人鑿坑敗其勢改云丹徒

圖經曰丹陽本漢曲阿縣也

漢志曰曲阿故雲陽莽曰風美屬會稽郡

史記曰秦始皇改雲陽為曲阿

輿地志曰曲阿縣屬朱方南徐之境秦有史官奏東南有
王氣在雲陽故鑿北岡截直道使曲以馱其氣故曰曲阿

又曰丹徒界內土堅緊如螭諺云生東吳死丹徒言吳多
產出可以攝生自奉養丹徒地可以葬

吳志曰岑昏鑿丹徒至雲陽而杜野小辛閭皆斬絕陵壘

功力艱辛杜野屬丹徒小辛屬曲阿

圖經曰唐垂拱四年立金山縣後改名金壇取邑界句曲
之山金壇之陵以為號

真誥曰地勝似洛中北邙山土水似長安丹鳳門外井泉

河圖曰乃有地勝土良水清句曲之山金壇之陵

常州

十道志曰常州毗陵郡禹貢揚州之域春秋時屬吳後屬
越戰國屬楚秦漢為毗陵縣屬會稽郡
輿地志曰晉陵郡春秋時吳之延陵邑也季札讓位耕於
此因以封之漢改為毗陵

漢志曰毗陵縣屬會稽郡季札所居舊為延陵漢改之也
莽曰毗壇
輿地志曰東海王越世子名毗中宗為越所表遣渡江故
改此為晉陵
又曰吳越之間謂荆為楚秦以子楚改為陽羨其地本名
小震居在荆溪之北故云陽羨
周處風土記曰陽羨本屬荆溪吳郡郡境震澤之會也其
地理則三江之雄潤五湖之腴表
吳越春秋曰周改為陽羨
漢志曰無錫屬會稽郡莽曰有錫
周處風土記曰周武王追封周章於吳又封章小子斌於
無錫也
圖經曰昔有讖述其地云無錫寧天下平有錫兵天下爭

故名之
蘇州
十道志曰蘇州吳郡禹貢揚州之域周為吳國至闔閭強
盛始都於此後為越所滅秦併天下為會稽郡
釋名曰吳虞也太伯封於此以虞志也
郡國志曰俗好用劔輕死蓋湛盧鑄鏹于將要離之遺風
焉東北有海鹽縣復有章山之銅擅三江五湖之利亦江
東一都會也
越絕書曰闔閭起蘇臺三年聚材五年乃成高見三百里
漢志曰吳屬會稽郡周太伯所邑也具區澤在其西王莽
曰泰德
十道志曰嘉興郡本漢由拳縣也
漢志曰由拳屬會稽郡應劭曰古之檣里
檣子
遂反

吳錄地理志曰吳王時此地本名長水秦改曰由拳
續漢志曰屬吳郡吳黃龍五年嘉禾生於由拳改縣曰禾
興後以太子名和改曰嘉興

圖經曰華亭縣本嘉興縣地天寶十年置因華亭谷為名
晉書曰陸機被誅臨刑歎曰華亭鶴唳不可得聞
輿地志曰吳大帝以陸遜為華亭侯以其所居為封也華
亭谷出佳魚蓴菜故陸機云千里蓴羹未下鹽豉

湖州

十道志曰湖州吳興郡禹貢揚州之域防風氏之國也春
秋時為吳地後屬越越為楚所滅後屬楚秦漢屬會稽郡
國語魯語曰吳伐越曠會稽獲骨節專車骨節長專一車也吳子
使來好聘且問於仲尼曰骨何為大仲尼曰禹戮防風氏
其骨節專車容曰防風何守也仲尼曰汪芒氏之君也守

封禺之山

汪芒長鬣國名封嶠山在吳郡永安縣

郡國志曰五湖之表州以為名也

漢志曰烏程屬會稽郡有歐陽亭

郡國志曰古有烏氏程氏居此能醞酒故以名縣

地理志曰武康縣本烏程之餘不鄉地漢末童謠曰天子

當興東南三餘之間吳乃改會稽之餘暨為永興分餘不

為永安以協謠言

吳興記曰長城縣吳王闔閭使弟夫槩居此築城狹而長

晉武帝置縣因長城以名縣

杭州

十道志曰杭州餘杭郡禹貢揚州之域春秋時吳越地秦
漢屬會稽郡

史記曰楚威王伐越殺王無疆盡取故吳地至浙江又曰

始皇三十七年東遊丹陽至錢塘

漢志曰錢塘屬會稽郡西部都尉治王莽曰泉亭劉道真錢塘記曰昔一境逼近江流縣在靈山下至今基趾猶存郡議曹華信乃立塘以防海水募有能致土石者即與錢及成縣境蒙利乃遷此地於是為錢塘縣

漢志曰於瞽屬丹陽郡

瞽音潛

吳錄地理志云縣西瞽山蓋因山以立名舊瞽字無水至隋加水

漢志曰餘杭屬會稽郡莽曰進睦

吳興記曰秦始皇三十七年將上會稽塗出此因立為縣郡國志曰夏禹東去捨杭登陸於此仍以為名

十道志曰鹽官本漢海鹽田拳二縣境

漢志曰海鹽屬會稽郡故武原鄉有鹽官

睦州

十道志曰睦州新定郡禹貢揚州之域春秋時越國秦屬丹陽郡漢為歙縣地

吳志曰大帝以後漢建安十三年使威武中郎將賀齊討丹陽吳黜歙山賊平定之分歙為始新新定黎陽休陽四縣并黜歙六縣

圖經曰隋置睦州取俗阜人和內外輯睦為義

十道志曰桐廬縣吳黃武四年分富春置以桐溪側有大椅樹垂條偃蓋傍蔭數畝遠望似廬因謂之桐廬

漢志曰富春屬會稽郡莽曰誅歲

鄂州

十道志曰鄂州武昌郡禹貢荊州之域春秋時楚地秦屬南郡漢分置江夏郡晉安帝義熙元年冠軍劉毅表以為

夏口二州之中地居形要控接湖川邊帶溪沔請荊州刺史劉道規鎮夏口隋為江夏郡唐武德四年為鄂州尚書禹貢曰江漢朝宗于海

十道志曰江漢二水會於州之西界

左傳曰吳伐楚沈尹射命于夏汭

世紀曰楚子熊渠封中子紅於鄂今武昌縣地

江夏記曰一名夏口亦名魯口沙陽夏汭鄂渚新興釣渚皆其地名

武昌記曰大帝築城於江夏以程普為太守遂欲都鄂州改為武昌郡其民謠曰寧飲建業水不食武昌魚寧歸建業死不向武昌居繇是徙都建業

齊書曰劉懷珍言於高帝夏口兵衝要地宜得其人遂令柳世隆鎮焉

十道志曰江夏縣本漢沙羨縣

饒州

十道志曰饒州鄱陽郡禹貢揚州之域春秋時為楚東境秦為番縣地屬九江郡漢為番陽屬豫章郡隋開皇九年為饒州

地理志曰城即吳芮為鄱君時所築漢書貨殖傳曰譬猶戎狄之與于越不相入明矣韋昭注曰于越今餘于縣越之別名

又曰淮南王安陳伐閩越之利上書云越人欲為變必先守餘于中可積食而有材可治船慮越人有伐材積食之患

徐湛鄱陽記曰北有堯山常以堯為號又以地饒衍遂加食為饒

圖經曰以山川蘊物珍奇故名饒

信州

圖經曰唐上元元年正月江淮轉運使元載以此邑川原
夙遠關防襟帶宜置州制可賜名信州以信美所稱為郡
之名

鄱陽記曰界內之山出銅及鉛鐵者有玉山

江州

十道志曰江州尋陽郡禹貢揚荆二州之境尚書禹貢彭
蠡既濟又曰九江孔殷

周景式廬山記曰柴桑彭澤之郊古三苗國舊廬江地
尋陽記曰春秋時吳之西境後吳為楚滅更為楚地秦屬
廬江郡漢屬淮南國晉武太康十年因江水之名而置江
州成帝咸和元年移理湓城即今郡是

晉地道記曰尋陽南通五嶺北導長江遠行岷漢亦一都
會也

洪州

十道志曰洪州豫章郡禹貢揚州之域春秋時吳地秦為
九江郡漢為豫章郡

豫章記曰太康中望氣者云豫章廣陵有天子氣故封愍
懷太子為廣陵王領鎮軍以鎮豫章後永興中懷帝遂以
豫章王登天位隋平陳罷郡為洪州

撫州

十道志曰撫州臨川郡禹貢揚州之域春秋時吳地秦屬
九江郡漢立南昌縣今州即南昌縣地後漢分南昌立臨
汝縣吳太平二年分豫章之臨汝南城縣立臨川郡即今
州也隋平陳置撫州

晉書曰王羲之嘗為臨川內史置宅於郡城東偏旁臨廻漢時據層阜荀伯子臨川記曰王右軍故宅其地爽塏山川若畫每至重陽日二千石已下多遊萃於斯舊井及黑池並在漢地理志曰高帝六年命大將軍灌嬰立洪州其年分洪州南境立南城縣以其在郡城之南故曰南城

吉州

十道志曰吉州廬陵郡春秋時為吳地戰國屬楚秦併天下屬九江南部都尉理漢為廬陵縣屬豫章郡雷次宗豫章記曰靈帝末揚州刺史劉遵上書請置廬陵鄱陽二郡獻帝初平二年始立郡圖經曰隋平陳改廬陵郡置吉州以吉陽山為郡名

表州

十道志曰表州宜春郡禹貢揚州之域春秋時吳地秦屬九江郡漢為豫章郡之宜春縣晉武改宜春為宜陽隋平陳分洪州之宜陽立表州漢書曰武帝封長沙定王子為宜春侯吳錄曰宜春縣出美酒每歲上貢封酒親付計吏

虔州

十道志曰虔州南康郡春秋時吳地秦屬九江郡漢為贛縣地屬豫章郡後漢興平二年分豫章立廬陵郡而贛縣屬焉晉太康三年立為南康郡隋平陳立虔州以虔化水而得名也圖經曰贛縣章貢二水雙流至縣合為贛水其間置邑因以名縣

十道志曰南康縣本漢南野縣地

吳錄曰南野縣有大庾山九嶺嶠以通廣州

建州

十道志曰建州建安郡古閩越之地秦閩中郡漢屬會稽
吳分置建安郡陳屬閩州隋平陳屬泉州唐武德四年置
建州因建溪為名
方輿志曰浦城縣本漢東侯官之北鄉也吳永安三年改
為吳興縣
圖經曰晉尚書陸邁梁尚書郎江淹皆為吳興令按淹自
序云吳興地在東南嶠外閩越之舊境是也

福州

福州圖經曰勾踐六代孫為楚所併其後有無諸以其境
南泉山之地因而都之稱閩越王其弟餘善至孫繇又以
東海隅之地稱越王俱是會稽之域遂有三越之稱

圖經曰梁承聖二年封蕭基為長樂侯於此

十道志曰福州長樂郡亦閩越地秦為閩中郡漢高帝立
無諸為閩越王都於此晉置晉安郡陳置閩州唐開元十
三年為福州
開元錄曰閩州越地即古東甌今建州亦其地皆蛇種有
五姓謂林黃等是其裔
郡國志曰漢武元鼎六年立都尉居侯官以禦兩越所謂
東北一尉西南一侯也

泉州

十道志曰泉州清源郡秦漢土地與長樂同東晉南渡衣
冠士族多萃其地以求安堵因立晉安郡宋齊以後因之
唐景雲二年置泉州
天寶初為清源郡乾元元年又為州

十道志曰漳州漳浦郡歷代土地與長樂郡同唐分其土地置漳州郡國志曰梁山有漳浦水一云漳溪水

汀州

十道志曰汀州臨汀郡歷代土地舊與長樂郡同唐開元二十六年分置汀州初置在新羅縣以其地瘴居者多死大曆中移理長汀白石村

南州

十道志曰南州南川郡禹貢梁州之域周省梁入雍戰國時巴國之地秦漢為巴郡之境

太平御覽卷第一百七十

太平御覽卷第一百七十一

州郡部十七

江南道下

越 歙 明 台 處

温 婺 衢 潭 岳 吳

衡 永 道 郴 吳 連

邵 黔 思 費 辰

錦 溪 敘 施 播

玕 夷 葉 溱 王 壽 元

越州

十道志曰越州會稽郡禹貢揚州之域春秋時越國春秋元命苞曰牽牛流為揚州分為越國史記曰越王勾踐其先禹之苗裔夏后少康之庶子也封

於會稽以奉守禹之祀文身斷髮披草萊而邑焉
吳志曰會稽南面連山萬重北帶滄海千里
輿地志曰順帝時陽羨人周嘉上書請斷分浙江已西為
吳郡東為會稽郡

宋略曰會稽山陰編戶三萬號為天下繁劇王羲之云每
行山陰道上如鏡中遊王獻之望鏡湖澄澈清流瀉注乃
云山川之美使人應接不暇

郡國志曰越城無北面以事伐吳後終滅吳
漢志曰會稽郡秦置高帝六年為荆國十二年更名吳景
帝四年屬江都領曲阿等縣二十六
吳越春秋曰禹巡行天下歸還大越會計脩國之道以會
計名山仍為地號也
漢志曰剡縣屬會稽莽曰盡忠

南史曰張稷為剡令至嵎亭生子因名嵎字四山

漢志曰諸暨縣屬會稽郡莽曰疏虜

十道志曰縣有暨浦諸山因以為名

會稽志曰龜山之下有東武里即琅耶東武縣山一夕移
於此東武人皆從此故里不動

歙州

十道志曰歙州新安郡禹貢揚州之域春秋時屬越秦屬
丹陽郡

漢志曰歙都尉治屬丹陽郡

漢志曰黟縣屬丹陽郡浙江出焉成帝鴻嘉二年為廣德

國王莽曰愬虜師古曰黟音伊字與黟同

晉書曰孔愉字敬康會稽人永嘉之亂避地入新安山谷
中以稼穡讀書為業信著鄉里後奄忽而去人皆以為神

為之立廟孔雲村

梁書曰任昉為新安太守調楓香二石始入三兩便止不欲遺之後人及下任唯有桃花米二十石

圖經曰續溪縣以界內乳溪與徽溪相去一里迴轉屈曲並流離而復合謂之續溪縣因名焉

圖經曰任昉為新安太守因行春至此愛其雲溪緣源尋幽累日不返百姓因名其溪為昉溪村各昉村

又曰新安貢柿心墨木黝之字縣職此之由

又曰祈門縣本名閭門著於秦漢之代縣有巨名夾流水兩相對其狀似門故號閭門

又曰婺源縣本晉休寧縣東陽記日上應婺女故名之

明州

十道志曰明州餘姚郡古舜為餘姚之墟
史記曰越王勾踐平吳徙夫差於甬東
漢志曰餘姚屬會稽郡本鄧侯之地
風土記曰舜支庶所封故曰餘姚
輿地志曰邑人以其海中物產於山下鄧易因名鄧縣
圖經曰鄧縣有甬東及句章故城

台州

十道志曰台州古越州會稽郡之地禹貢揚州之域春秋時越國秦屬閩中郡後越王無疆七代孫閩君播率越人佐漢伐秦惠帝錄其功封播為東越王都於甌
山海經曰甌在海中郭璞注曰今臨海永寧縣即東甌故地也若在南海中鬱林郡為西甌○吳地記曰漢書閩越圍東甌東甌告急於天子天子遣太中大夫嚴助發兵往

救未至閩越止兵東甌乃舉國徙中國越之江淮閒而後
遺人往往漸出乃以東甌地爲回浦縣
漢志曰回浦東部都尉理屬會稽郡楊雄解嘲曰東南一
尉西北一候
十道志曰唐武德四年討平李子通於臨海縣置海州五
年改海州爲台州

處州

圖經曰處州縉雲郡古縉雲之墟也秦爲會稽郡地漢初
爲東甌地後以爲回浦縣光武更名章安晉分爲永嘉郡
輿地志曰永嘉郡本會稽東部地晉明帝太寧元年分臨
海等五縣立永嘉郡
圖經曰麗水縣有惡道惡道有突星瀨謝靈運與弟書曰
聞惡道溪中九十九里有五十九灘永嘉記曰王右軍遊

惡道歎其奇絕遂書突星瀨於石

輿地志曰松陽縣本章安南鄉漢末立爲縣吳地記曰縣
東南臨大溪有松陽樹大八十一圍腹中空可容三十人
坐故取此爲名王右軍嘗往看之永嘉記曰青田縣有草
葉似竹可染碧名爲竹青此地所豐故名青田浮丘公相
鶴經曰青田之鶴

温州

十道志曰温州永嘉郡會稽之東境也漢永建四年置永
寧縣
郡國志曰永嘉爲東甌鬱林爲西越斯地蠶一年八熟
圖經曰永嘉縣漢冶縣之地漢改爲章安縣
漢志曰冶本閩越地屬會稽郡

婺州

太平御覽
卷一百一十一
三

十道志曰婺州東陽郡禹貢揚州之域春秋時為越之西
 界秦屬會稽郡漢初屬荆吳二國
 郡國志曰婺州正得東越之地漢時其地屬會稽為東陽
 郡人俗輕躁少信行好淫祀
 鄭緝之東陽記曰此境於會稽西部嘗置都尉理於此吳
 寶鼎元年始分會稽置東陽郡隋平陳置婺州蓋取其地
 於天文為婺女之分野異苑曰東陽顏烏以淳孝著聞群
 烏助銜土塊為墳烏口皆傷一境以為至孝所致因以縣
 名烏傷

十道志曰唐武德七年改烏傷為義烏

衢州

十道志曰衢州信安郡土地所屬與婺州同唐武德四年
 平李子通於信安縣置西有三衢山因以為名

輿地志曰後漢獻帝初平三年分太末縣立新安縣晉太
 康元年以弘農有新安改名為信安左傳曰越伐吳王孫
 彌庸觀越見姑篾之旗杜注曰今東陽太篾縣是○輿地
 志曰太篾秦漢為太末縣今龍丘乃春秋東陽太末縣也

潭州

十道志曰潭州長沙郡禹貢荊州之域春秋及戰國時為
 黔中地之南境晉懷帝永嘉元年分荊州置湘州隋平陳
 改湘州為潭州
 史記天官書曰翼軫為楚分傍一小星為長沙星漢書曰
 高帝封番君吳芮為長沙王
 又曰長沙定王發景帝二年立以母微無寵故王卑濕貧
 國應劭注曰景帝後二年諸王來朝有詔更前稱壽歌舞
 定王但張袖小舉手左右笑其拙怪問之對曰臣國小地

狹不足迴旋帝乃以武陵零陵桂陽屬焉
郡國志曰炎帝神農氏葬於長沙長沙之尾東至江夏謂
之沙羨是其地

十三州志曰西自湘江至東萊萬里故曰長沙

湘州記曰始皇二十五年併天下分黔中以南之沙鄉為
長沙郡以統湘川蓋取星以名焉

遁甲經曰土之地雲陽之墟可以長生可以避世

湘中記曰其地有舜之遺風人多純朴今故老猶彈五絃
琴好為漁父吟

湖南風土記曰長沙下濕丈夫多夭折俗信鬼好淫祀茅
蘆為室頗雜越風

岳州

十道志曰岳州巴陵郡禹貢荊州之域古三苗國地春秋

及戰國時屬楚秦屬長沙郡晉分長沙之巴陵置建昌郡
在巴陵齊武封子倫為巴陵王梁封齊明帝子寶義為巴
陵王奉齊後以備三恪隋平陳改為岳州

尋江記曰昇屠巴蛇於洞庭其骨若陵故曰巴陵

淮南子曰斬脩蛇于洞庭

十道志曰巴陵縣本漢下雋縣之巴丘地

漢書地理志曰下雋縣屬長沙郡

十道志曰華容縣本漢孱陵縣

衡州

十道志曰衡州衡陽郡春秋時屬楚秦屬長沙郡漢為鄱
縣地屬長沙國吳分長沙之東部立為湘東郡隋平陳罷
郡為衡州因衡山以取名
尚書禹貢曰荆及衡陽惟荊州

甄烈湘州記曰宋大明中望氣者云湘東有天子氣遣日者巡視斬崗以厭之遂乃湘東王為天子即明帝也圖經曰茶陵縣者所謂陵谷生茶茗焉

永州

十道志曰永州零陵縣禹貢荊州之域春秋及戰國時楚之南境秦屬長沙郡漢屬長沙國晉以零陵屬湘州隋平陳置永州因以永水為名○梁書曰孫謙字長遜為零陵太守有善績吏人安之先是部多猛獸謙至絕跡及去官之夜猛獸即害居人

甄烈湘州記曰石鸞山石形似燕大小如一山明淨即顏飛翔

羅含湘中記曰石鸞在泉陵縣雷風則羣飛然其土人稀有見者

按十道志曰零陵縣本漢泉陵縣

道州

十道志曰道州江華郡禹貢荊州之域春秋及戰國時屬楚漢屬長沙國唐貞觀八年為道州圖經曰昔舜封象有鼻國即其地

郴州

十道志曰郴州桂陵郡禹貢荊州之域春秋及戰國時屬楚秦屬長沙郡漢高祖二年分長沙南境立桂陽郡屬荊州部居郴梁元帝為盧陽郡屬衡州隋平陳改為郴州史記曰項羽徙義帝於長沙都郴

連州

十道志曰連州連山郡春秋時楚地秦為長沙郡之南境二漢為桂陽郡之桂陽縣吳屬始興郡晉因之宋於此立

永安郡後省齊如之梁爲陽山郡唐武德四年改爲連州以郡南黃連山領爲名

邵州

十道志曰邵州邵陽郡禹貢荊州之域春秋時屬楚秦爲長沙郡漢爲昭陵縣屬零陵郡吳分零陵北部爲邵陵郡屬荊州即今州也晉武改昭陽爲邵陽唐貞觀十年改爲邵州又曰邵陽縣本漢昭陵縣地屬長沙國

黔州

十道志曰黔州黔中郡禹貢荊州之域戰國爲楚黔中地秦昭王伐楚置黔中郡其地又屬焉漢武陵郡之酉陽縣地武陵五溪蠻之西界也周武帝保定四年蠻帥田思鶴以地內附置奉州建德三年改爲黔州

吳錄曰黔陽屬武陵郡黔陽今辰州三亭縣西故城是也

思州

十道志曰思州寧夷郡禹貢荊州之域春秋楚地隋開皇十八年始置務川縣屬庸州唐武德元年以務川當牂牁要路置務州貞觀八年改爲思州因思邛水爲石

費州

十道志曰費州涪川郡禹貢荊州之域春秋時屬楚漢武帝元鼎六年通牂牁道置牂牁郡其地屬焉江山阻遠爲狸獠所居多不臣附周宣改元年獠王元殊多質等歸國遂立州取費水爲名九州要記曰九丘之外有費州

辰州

十道志曰辰州盧溪郡禹貢荊州之域春秋時屬楚其地

即古蠻夷之地秦昭王使白起伐楚略取蠻夷置黔中郡漢改黔中爲武陵郡隋開皇平陳改爲辰州○沅陵記曰五溪十洞頗爲邊患自馬伏波征南之後雖郡縣其民叛擾代或有之蓋恃山險所致○十道志曰壺頭山後漢馬援征五溪蠻取壺頭山賊乘高守險水迅船不得進士卒多疫死援亦中病穿岸爲室以避炎氣遂卒于此○武陵記曰山邊有石窟即馬援所穿室也室內有大蛇如船云是援之餘靈

錦州

十道志曰錦州盧陽郡歷代土地與辰州同唐武德初以辰州之地析置錦州

溪州

十道志曰溪州靈溪郡禹貢荊州之域歷代土地所屬與辰州同唐武德中立溪州蓋取五溪相會於此又曰大鄉縣本漢沅陵零陵二縣地屬武陵郡梁分立大鄉縣三亭縣本漢靈陽縣地屬武陵郡唐分大鄉縣縣有小酉山黔山大酉山

敘州

十道志曰敘州潭陽郡古蠻夷之地戰國時爲楚黔中地唐貞觀八年爲巫州天授三年以巫山不在州界改爲沅州以沅江水爲郡名開元十三年仍舊爲巫州至大曆五年爲敘州五溪記曰民多射生而鼻飲噉蛇鼠捕蝦蟹朝營夕用故無宿給

施州

十道志曰施州清江郡禹貢荊州之域春秋時巴國七國時為楚巫郡地秦昭王伐楚置黔中郡巫地屬焉周武帝建德二年酋長向鄒兄弟四人相率內附置施州又曰清江縣本漢巫縣地屬南郡巫縣今夔州巫山縣是也吳晉及周為沙渠之地隋於此置清江縣

播州

十道志曰播州播川郡秦夜郎縣之西南隅惠王十四年欲得楚黔中地以武關之外易之今隸黔府即摠謂黔中地漢武元鼎六年平西南夷置牂牁郡其地屬焉以且蘭有掾船牂牁因此立郡以名焉貞觀九年於此北界置郎州後省十三年又於其地置播州以其地有播川因名焉漢書曰唐蒙上書說武帝曰聞夜郎國有精兵可十餘萬

浮舟牂牁出其不意以制越此一奇也

玠州

十道志曰玠州夜郎郡古山獠夜郎國之地晉永嘉五年分牂牁置夜郎郡兼置充州唐貞觀十七年廓闢邊夷置播川鎮後因川中有降玠山因以鎮為玠州取山名郡也九州志曰夜郎自古非臣伏州郡之地漢武開拓南邊始置夜郎縣屬牂牁郡即牂牁都尉居之後漢書曰夜郎者臨牂牁江江廣百餘步足以行船十三州志曰牂牁者江中山名也

夷州

十道志曰夷州義泉縣古徼外蠻夷之地漢置牂牁郡歷代恃險不聞臣附隋大業七年始招慰置綏陽縣屬明陽郡唐武德四年置夷州

十道志曰葉州龍溪郡古蠻夷之地唐置葉州或為龍溪郡

漆州

十道志曰漆州漆溪郡古蠻夷之地唐貞觀八年開拓南蠻於樂懿縣立漆州地多貢象牙後或為漆溪郡

太平御覽卷第一百七十一

太平御覽卷第一百七十二
州郡部十八
嶺南道

廣	恩	康	新	蒙	鬱林	象	黨	淳	白
韶	春	封	勤	富	平琴	柳	橫	羅	牢
岡	賀	瀧	實	梧	賓	融	田	潘	欽
循	端	高	桂	潯	澄	邕	巖	容	安南都護府
湖	藤	義	昭	龔	繡	貴	山	辯	

振	籠	巖	長	武峩
瓊	環	雷	驩	粵
萬安	古	禺	峯	芝
		湯	陸	愛
		崖	廉	福祿
		儋		

廣州

十道志曰廣州南海郡秦置南海郡二漢因之兼置交州
 吳因之分置廣州宋齊皆因之梁陳並置都督府隋平陳
 又置番禺煬帝初復置南海郡唐為廣州
 又曰南海郡本漢番禺縣地
 山海經曰桂林八桂在賁禺東注云賁禺即番禺也。吳
 錄曰番禺縣有禺山尉他所葬
 南越志曰肅連山西十里有靈州山焉其山平原彌望曾

野極目

郭景純曰南海之間有衣冠之氣者斯其地也
 又曰秦占氣者以南方有黃氣紫雲之異使繡衣使者鑿
 之二十餘丈乃流血數日以為鑿龍之効今所鑿之處形
 似馬鞍謂之馬鞍崗
 又曰石門之水舊曰貪泉俗云經大庾則清穢之氣分飲
 石門則滯素之質變
 廣州記曰尉他築朝臺以朝天子
 南越志曰朝臺下有趙他城朝臺西二十里即崗旁江構
 越華館以送陸賈因稱朝亭
 十道志曰番禺北津水今名廉平水
 十道志曰韶州始興郡禹貢揚州之域春秋戰國皆楚地

秦屬南海郡二漢屬桂陽郡吳置始興郡晉因之宋故為廣興齊復為始興隋平陳為韶州以韶石為名

郡國志曰韶州科斗勞水間有韶石二狀雙闕永和二年有飛仙衣冠遊二石上昔舜遊登此石奏韶樂因以名之

十道志曰岡州義寧郡禹貢揚州之域秦漢並屬南海郡東晉末分置新會郡宋齊梁並因之隋平陳置封州後改

為九州後改為岡州郡國志曰岡州地邊大海晴少雨多時遇甚風林宇悉拔俗織竹為釜以蠟殼屑泥之煮鹽轉久彌密

循州

十道志曰循州海豐郡春秋時為百越之地戰國屬楚秦二漢南海郡地晉亦然隋平陳置循州

南越志曰郡東水道一千里趙他昔為龍川尉所蒞於此

潮州

十道志曰潮州潮陽郡亦古閩越地秦屬南海郡秦末屬尉他漢初屬南越後亦屬南海郡後漢因之晉置東官郡

隋平陳置潮州郡國志曰稻得再熟蠶亦五收煮海為鹽

十道志曰海陽縣本漢揭陽縣地南越志曰潮陽縣窮海之北故曰潮陽

十道志曰恩州恩平郡秦屬南海郡二漢為合浦郡唐貞觀中置恩州

春州

十道志曰春州南陵郡古越地秦屬南海象郡漢合浦郡

之高涼縣地晉分置恩平縣唐武德四年討平蕭銑置春

州

十道志曰賀州臨賀郡秦屬南海郡二漢屬蒼梧郡吳分置臨賀郡晉因之宋為臨慶國齊復為臨賀郡陳因之隋平陳置賀州因賀水為名

十道志曰端州

高要郡秦屬南海郡兩漢並屬蒼梧郡晉亦然宋齊並屬南海郡陳置高要郡隋平陳置端州南越志曰石室山傍洞雲霧自生風煙有二石門以為仙之下都

藤州

十道志曰藤州感義郡秦屬南海郡二漢並屬蒼梧郡晉

屬永平郡隋平陳置藤州煬帝初州廢置永平郡唐復為藤州

郡國志曰俗以青石為刀劍如銅鐵法婦人亦為環玦代珠玉也夷人往往化為獮獮小

康州

十道志曰康州晉康郡秦屬南海郡二漢屬蒼梧郡晉分置晉康郡宋齊因之隋平陳廢晉康併入信安郡今高要郡也唐復置康州

封州

十道志曰封州臨封郡土地所屬自秦已上與康州同今州即漢蒼梧郡之康信縣也梁信郡兼置成州隋平陳置廢郡改成州為封州

瀧州

十道志曰瀧州開陽郡龍敷江明土地所屬自漢已上與康州同晉分端溪置龍鄉縣今州即其地南越志龍鄉縣屬廣熙郡梁分廣熙置建州又分建州之雙頭洞立雙州即此是

高州

十道志曰高州高涼郡秦以前土地與晉康郡同二漢屬合浦郡吳置高涼郡晉因之梁置高州隋平陳郡廢而高州如故唐為高州南越志曰高涼本合浦縣也吳建安十六年衡毅錢博拒步騰於高安峽毅投水死博與其屬亡于高涼呂袋為刺史博既請降制以博為高涼都尉於是置郡焉

義州

十道志曰義州連城郡土地所屬秦已上與潘州同漢置

蒼梧郡今州即蒼梧郡之孟陵縣唐武德四年江表底定於此置南義州貞觀二年於此置義州

新州

十道志曰新州新興郡占越地秦始皇略取陸梁地置象郡今州即其地也漢為合浦縣之臨元縣晉穆永和七年分蒼梧郡於此置新寧郡梁隋唐為新州

勤州

十道志曰勤州銅陵郡秦屬南海郡二漢屬合浦郡隋屬信安郡唐置勤州或為銅陵郡

竇州

十道志曰竇州懷德郡禹貢揚州之分古越地漢蒼梧郡之端溪縣先管羅竇洞因為名唐武德五年置南扶州貞觀八年改為竇州

郡國志曰賈州悉以高欄為居號曰蘭干三日一市
又曰特亮縣在河洞水北昔有白牛夜出光影照村村人
見此牛光號為特亮也

桂州

十道志曰桂州始安郡禹貢荊州之域春秋時越地七國
時為楚越之交始皇二十三年嘗發逋亡人贅婚賈人略
取陸梁地是為桂林郡焉二漢屬零陵蒼梧二郡吳分置
始安郡晉孝武改為始建齊復為始安梁天監六年立桂
州於蒼梧鬱林之境無定理廼大同六年移桂州於今理
隋大業三年罷州唐武德四年復置桂州
始安記曰吳越之境其人好劔輕死易發火耕水耨人食
魚稻無千金之家好巫鬼重淫祀
十道志曰臨桂縣荔水水源多生桂梧生處不生雜樹

昭州

十道志曰昭州平樂郡秦桂林郡地二漢屬蒼梧郡宋屬
始建國齊屬始安郡隋亦然唐武德四年置樂州貞觀八
年改為昭州取昭潭為名
盛弘之荊州記曰平樂縣西南數十里有山山間有兩目
如人眼極大瞳子白黑分明

蒙州

十道志曰蒙州蒙山郡漢武平南越置蒼梧郡今州即蒼
梧之荔浦縣也隋置隋化縣唐置蒙州州有山號曰蒙山
山下皆姓蒙因為州名

富州

十道志曰富州開江郡秦桂林郡地二漢屬蒼梧郡梁為
開江武城二郡地陳置靜州改開江武城二郡為逍遙郡

隋平陳並廢唐又置靜州貞觀八年改爲富州因富水爲名

梧州

十道志曰梧州蒼梧郡秦屬桂林郡二漢爲蒼梧晉以後並因之梁屬成州隋平陳改爲封州唐爲梧州
漢書曰武帝元始六年開蒼梧郡
禮記曰舜葬蒼梧之野

潯州

十道志曰潯州潯江郡秦屬桂林郡二漢以後並屬鬱林郡隋屬永平鬱林二郡地唐置潯州
郡國志曰大賓縣漢布山縣地有堂牛與蚶同穴牛嗜鹽里人以皮裹手塗鹽入穴探之牛舐之出外則不得入取其角爲器一曰糖牛

龔州

十道志曰龔州臨江郡秦屬桂林郡漢平南越置蒼梧郡今州即郡之孟陵縣地也唐置龔州

鬱林州

十道志曰鬱林州鬱林郡秦爲桂林郡漢改爲鬱林郡後漢亦同梁置定州後改爲南定州隋平陳改爲尹州煬帝初爲鬱林郡唐置鬱林州

平琴州

十道志曰平琴州平琴郡舊鬱林郡地唐置平琴州或爲平琴郡

賓州

十道志曰賓州安城郡古越地秦桂林郡地漢爲鬱林郡又爲鬱林郡之嶺方縣地唐貞觀五年置賓州

澄州

十道志曰澄州賀水郡古越地秦為桂林郡漢屬鬱林郡之嶺方縣唐武德四年置澄州

繡州

十道志曰繡州常林郡秦屬桂林郡二漢屬鬱林郡晉以後因之唐平蕭銑置繡州

象州

十道志曰象州象郡秦屬桂林郡二漢為鬱林郡吳又分置桂林郡晉宋齊因之隋平陳置象郡因象山以為名象郡今合浦郡非此象州也

柳州

十道志曰柳州龍城郡秦漢土地與象州同晉以後屬桂林郡隋屬始安郡唐平蕭銑置昆州貞觀八年改為柳州

融州

十道志曰融州融水郡歷代土地與柳州同唐置融州

邕州

十道志曰邕州朗寧郡古越地秦為桂林郡漢鬱林郡之嶺方縣地晉置晉興郡于此隋為鬱林郡之宣化縣武德四年置南晉州貞觀六年改為邕州

貴州

圖經曰人俗恠嗇澆薄內險外瘞椎髻跣足尚雞卜卵卜十道志曰貴州懷澤郡虞舜暨周並為荒裔秦為桂林郡上自漢以下與鬱林郡同唐置貴州

黨州

十道志曰黨州寧仁郡秦桂林郡地唐置黨州合黨州之南越志曰黨州隆仁縣有京觀即古征黨洞殺俘虜處

橫州

十道志曰橫州寧浦郡古越地秦象郡地漢為合浦郡之高涼縣地隋於此置簡州又改為緣州唐改為橫州

田州

十道志曰田州橫山土地與朗寧郡同唐為田州

巖州

十道志曰巖州脩德郡禹貢荊州之域漢武平南越即象郡唐乾封二年置巖州地在巖崗之側因為名

圖經曰州門有長河水深入十丈從牂牁流下

山州

方輿志曰山州龍池郡土地與巖州同唐為山州或為龍池郡

淳州

方輿志曰淳州永定縣秦屬桂林郡地唐武德四年置至永貞以犯憲宗廟諱改為巒州以巒山為名

羅州

十道志曰羅州招義郡禹貢揚州之地是為南越宋元嘉三年鎮南將軍檀道濟巡撫於陵羅口築城因以名之屬

高涼郡唐武德五年因其地復置州

潘州

十道志曰潘州南潘郡古甌駱越地秦平百越為桂林郡地漢為合浦縣地屬合浦郡唐武德四年置南宕州八年

改為潘州

嶺表記曰潘州昔有方士潘茂於此昇仙遂以名郡

容州

方輿志曰容州普寧郡古越地秦屬象郡二漢屬合浦郡
 宋太始七年分合浦縣於此立南流郡齊梁陳不改隋廢
 唐武德四年置銅州貞觀八年改為容州因容山為名
 十道志曰鬼門關在北流縣南三十里兩石相對狀若關
 形闢三十餘步昔馬援討林邑經此立碑石碣尚存昔時
 趨交趾皆由此關已南尤多瘴癘去者罕得生還故諺曰
 鬼門關十人去九人不還
 郡國志曰斯地瘴氣春謂青草瘴秋謂黃茆瘴有江水

辯州

十道志曰辯州陵水郡古越地秦象郡地二漢屬合浦郡
 唐置辯州

郡國志曰辯州在陵羅二水之間

式與志曰白州

十道志曰白州南昌郡古越地秦象郡地漢為合浦郡唐
 武德四年置南州六年改為白州
 嶺表錄曰州有一派水出自雙角山合容州江呼為綠珠
 井在雙角山下昔梁氏之女有容兒石季倫為交趾採訪
 使以真珠三斛買之梁氏之居舊井存焉

牢州

十道志曰牢州定川郡本巴蜀西南徼外夷秦屬象郡漢
 屬牂牁郡唐置義州改為智州貞觀十一年改為牢州以
 牢石為名

欽州

十道志曰欽州寧越郡歷代土地與白州同宋齊已來置
 宋壽郡梁又置安州隋平陳改為欽州

安南都護府

方輿志曰安南府今理宋平縣古越地禹貢揚州之地號為百越在周為越裳重譯之地秦屬象郡漢為交趾日南二郡界後漢因之唐為交州

又曰人俗雜蠻夷之風其人皆服布如單被穿中央以貫其首男子耕農女子織紉兵則矛楯長刀木弓竹矢或骨為鏃

交州記曰南定縣人足骨無節身有毛卧者更扶始得起故山海經曰交脛國人腳脛曲戾相交所以謂之交趾

南越志曰龍編縣州之始有蛟龍編於津之間因以為瑞而名邑

武峩州

方輿志曰武峩州武峩郡土地與安南府同唐置武峩州

粵州

方輿志曰粵州龍水郡土地與安南府同唐為粵州或為龍水郡

芝州

方輿志曰芝州忻城郡土地與安南府同唐為芝州或為忻城郡

愛州

方輿志曰愛州九真郡秦象郡地漢武置九真郡後漢亦同晉亦屬九真郡宋齊因之梁置愛州隋為九真郡唐又為愛州

福祿州

方輿志曰福祿州福祿郡土地與九真同唐為福祿州

長州

方輿志曰長州文陽郡土地與九真同唐為長州

驩州

方輿志曰驩州日南郡古越裳氏國九譯所通者也秦屬象郡二漢屬九真郡吳分置九德郡晉宋齊因之隋置驩州後為日南郡唐為驩州

郡國志曰龐山洞人去其兩齒為飾刻習作花文中山立市十日一會鑄銅為器大盤名旁旁以為財市

峯州

方輿志曰峯州承化郡古文郎國有文郎水亦陸梁地秦屬象郡二漢屬交趾郡吳分置新興郡晉改為新昌陳置興州隋平陳改為峯州煬帝初廢唐復置峯州

林邑記曰蒼梧以南有文郎野人居無室宅依樹止宿食生肉採香為業與人交易若上皇之人

陸州

方輿志曰陸州玉山郡秦象郡地漢以來屬交趾郡梁分置黃州及寧海郡隋平陳郡廢改黃州為玉州煬帝初州廢唐復置玉州上元二年改為陸州州有陸水

廉州

方輿志曰廉州合浦郡秦象郡地漢置合浦郡後漢同吳改為珠官晉又為合浦郡宋因之兼置臨瘴郡及越州齊又因之隋改為祿州尋為合州置廉州

後漢書曰孟嘗字伯周會稽上虞人為合浦太守先時太守多貪珠遂徙向交趾嘗到革理前弊珠遂還稱為神明相帝徵之

巖州

方輿志曰巖州安樂郡土地與合浦郡同唐為巖州或為安樂郡

雷州

方輿志曰雷州海康郡秦象郡地二漢以後並屬合浦郡
梁分置合州大同末為南合州隋煬帝初廢唐為雷州
投荒錄曰雷州南濱大海多雷雷之聲近在簷宇之上雷
州之北高州之南數鄉亦多雷雷聲似在尋常之外俗俟
雷時具酒肴設奠畏雷法甚嚴謹有以彘肉與雞肉食者
霹靂即至

禹州

十道志曰禹州溫水郡古百越地婺女之分野秦屬象郡
本宕昌之邊邑唐置宕州又改為禹州以南方番禺之地
因名州

湯州

方輿志曰湯州湯泉郡秦屬象郡唐置湯州或為湯泉州

灑州

十道志曰灑州臨潭郡禹貢荊州之分春秋屬楚在鬱林
之西南交趾之北隋大將軍劉方始開此路為鎮守尋又
不通唐貞觀二年清平公李弘節遣欽州首領寧師宗招
慰開拓尋劉方舊路得達交州為州在灑水之東故以為
名

灑音而
章反

籠州

十道志曰籠州扶南郡古越地在南越之西界唐貞觀十
二年大使清平公李弘節招降獠置籠州以籠洞為名

環州

十道志曰環州正平郡禹貢荊州之分州隸桂州貞觀二
年李弘節招尉款附環落洞故以名州州在遊盧水南整
水北

古州

方輿志曰古州樂古郡土地同臨潭郡唐置古州或為樂古郡

崖州

方輿志曰崖州朱雀郡地海中之洲也洲方千里與今郡海康郡之徐聞縣對自徐聞徑度便風揚帆一日一夕即至梁置崖州

漢書曰武帝元鼎六年開南海地置朱崖儋耳二郡元帝罷朱崖郡以其阻絕數反故罷之

郡國志曰崖州婦人著總纒以土為釜器用瓠瓢無水人飲唯石汁又有椒以安石榴花著瓮中經旬即成酒其味香美能醉人

交州記曰朱崖在大海中南極之外

儋州

十道志曰儋州昌化郡土地所屬與朱崖同漢元鼎六年定越地置儋耳郡唐武德四年置儋州漢書張晏注曰儋耳其俗鑊其頰皮上連耳匡分為數支狀似雞腸因名焉山海經海內南經曰有離耳郭景純注曰鑊其耳分令下垂為飾即儋耳也

振州

方輿志曰振州延德郡土地與朱崖郡同隋置臨振郡唐置振州

瓊州

方輿志曰瓊州瓊山郡土地與朱崖郡同唐貞觀六年割崖州置瓊州

萬安州

方輿志曰萬安州萬安郡土地與朱崖郡同唐置萬安州或為萬安郡

太平御覽卷第一百七十二

置縣其地與朱崖郡同唐置萬安州或為萬安郡

州郡部舉謔

敘京都上

帝王世紀東及明緒清本緒作豬 自窮桑清本自作在登帝在魯北清本在作位下有自字 唐河疑倒 屬穎川穎作頻 洛皆洛字有誤 尸鄉之陽亭陽疑湯 從上司馬句有誤 又曰西方貢西疑四 之洛陽之上疑脫謂字 今邾鄆之東門邾疑河南之誤 周於南疑有脫誤 博物志公劉所都秦獻公所都二都字皆作封 晉書又曰此條所云皆魏齊隋唐之事非晉書之文又曰誤矣

敘京都下

史記注本橫展車前本書注展作遮 後漢書又曰注景帝景當章訛 白虎白鳥清本虎作鹿鳥作鳥 吳錄注

今處所見處當據訛。晉書僉以僉作命。載記勢有紫氣清本勢作世按世避諱為勢。江表傳陸居陸作陵。兩京記東西十一里清本里下有一百四十步五字。又今周之王城今字有誤。明慶元年明當作顯。又終於貞觀終字有誤或是訖字。

敘州

河圖氣漂輕漂當作慄。毛詩注九圍州也州上當有九字。漢官解詁注衛國今治山陽衛上當有居字。物理論無梁州三字脫。張衡靈憲陽西則多四字脫。

敘郡

史記小郡曰都尉尉字脫據下十四州記補。通典注五原五作九今改。湯陰湯當作蕩。十四州記都尉之言君按當作郡之言君。今之郡今作令。

敘縣

說文從口已聲口已有誤。閭。後漢書謙以得免得作待據本書改。里。春秋潛潭巴秋下行傳字今刪。論語撰孝識勝奴清本奴作毋。斂作廉。晉宮閣名石池里石作右。會稽典錄密枝其藩枝疑披訛。

河南道上

提目東京開封府西京河南府東京西京皆脫今據總目補。史記里徙疑倒里理訛。春秋後語注无骨骨古文胥字。鞫鞫闕據本書補。陳留風俗傳傳上行儀字。漢志遂以為邑邑下當有名字。水經後漢漢字脫以意補。西京河南府。漢志地大句有脫誤。陝州。唐書陵郡太守陵疑當陝訛。

河南道中

號州 左傳荀息荀字脫 曹州 左傳與人之謀謀作
誦 重丘人毀瓶毀瓶當在重丘人上 亳州 魏略卽
謂之譙東按東下當有脫文 潁州 元和郡縣圖在漢
州州疑衍 蔡州 史記子改行子下當有胡字

河南道下

滑州 左傳注今衛南縣也清本南下有地字 濟州
十道志荏平據音當作荏按字典荏字後漢書水經注皆
從仕與此音合唯宋祁曰當作荏今姑仍舊 淄州 十
道志川州縣淄誤川 密州 秦本紀層臺於山上層上
疑脫立字 於瑯琊山山下當有下字 兗州 元和郡
縣圖之後之字有誤 初為上有脫文

河北道下

相州 後魏書西門史起史作使 晉書載記進據襄國

據字脫據本書補 邢州 左傳又成公二年公二作十
五 趙州 十道志注鄙音大合反按大火訛清本合作
各

河北道中

魏州 漢書俗雜雜作新據本書改 冀州 郡國志五
六丈丈作尺 史記有樂臣叔本書無臣字樂臣疑倒
易州 漢志遵當作適 燕州 春秋說題辭故俗云清
本故作欲 媯州 周書絕轡之之下脫野字 平州
管子曰作史記曰 滄州 漢志千童作平章據本書改
貝州 漢志善陸陸作陵據本書改

河北道下

蒲州 魏志杜幾幾當作畿 漢志又曰加坂坂作反依
下蒲反訛今改 絳州 十道志一名九京京作原 晉

州 漢志幹昌幹作韓 澤州 漢志析城山析作折據
本書改 汾州 禮記二河之上清本二作西

關西道

涇州 國語人三為衆女三為衆以下脫 寧州 漢書
日作史記曰 慶州 漢志洛盤洛作各據本書改 原
州 後漢書書字脫以意補 靈州 漢志河洲洲作州
以意改 坊州 元和郡縣圖宜君縣君作郡 勝州
十道志一節脫以清本補入

隴右道

蘭州 後漢書援劔本書援作爰 曾孫忽本書忽作忍
其後脫據本書補 西州 漢書柱置清本柱作拄

劔南道

劔州 圖經普安郡上常有劔州二字 梓州 蜀志諸

葛瞻破瞻上行亮字 益州 史記又曰戎狄之長也戎

上當復有蜀字 南史柳石清本作邵碩 瀘州 十道

志郡子國郡字有誤 恭州 圖經化郡化上當有恭字

姚州 華陽國志雋堂清本堂作唐 頃襄王本書作

威王 是為莊王本書作躋楚莊王苗裔也 無路得反

得字脫據本書補 嘉州 漢志蜀郡清本作犍為郡

陵州 十道志東境也境作墳以意改

山南道上

荆州 荆州記推為清本推作擢 城北下疑有脫文

峽州 十道志夷陵郡上當有峽州二字 利州 蜀志

陳戒清本戒作戎 果州 華陽國志初平元年平字脫

山南道下

唐州 漢志比水比作北據本書改 襄州 荆州記太

山廟山疑上訛清本作硯山廟

淮南道

揚州 隋書大業作義寧 宋書又曰高祖祖作帝 入
議之間衍謚字 或字脫據本書改 郡國志抱以漕渠
清本抱作拖 楚州 晉書長阻清本長作屯 壽州
漢志注芍音鵲鵲作鷄據本書改 光州 漢志又曰軼
清本作軼誤也字典按字書竝無軼字 沔州 三國志
沔陽清本沔作沔誤也

江南道上

潤州 吳錄地理二千人清本二作三 輿地志又曰如
蠓下行一蠓字 蘇州 漢志秦德泰作秦據本書改
江南道下
歙州 晉書孔雲村清本雲作靈 梁書不欲欲字有訛

婺州 東陽記烏作鳥據本書改下十道志同 連州

十道志黃連山領清本領作嶺按嶺字誤作山領二字

費州 十道志狸獠狸作狸清本作黑今以意改 辰

州 十道志名曰字有誤

嶺南道

潯州 郡國志糖牛清本糖作糠 容州 十道志九人
不還不字脫以意補 雷州 投荒錄卽至清本至作止
籠州 十道志籠州以三字脫

十道志橫山山下脫郡字

州郡部覆校舉譌

敘京都下 漢書又方里之間脫百字 里 荊州記雅
 難歎誤難 相州 漢志令黃澤今誤令 冀州 魏志
 表紹表誤表 澤州 史記對晉君封誤對 雍州 地
 理通說河西而誤西 壽州 元和郡縣志之城域誤城
 歙州 圖經又有巨名石誤名 潭州 史記又閒之
 問誤閒 思州 十道志為石名誤石 費州 十道志
 宜改政誤改 貴州 十道志上自漢上字衍 田州
 十道志橫山山下脫郡字

